

調象菴稿卷之十

梁谿鄒迪光彥士文著



五言律詩六十八首

送陳別駕之官臺幕

去去及春芳梅花是橐裝樓船遙犯漢繡  
服儼飛霜風雨隨車後豺狼匿道旁匡時  
須白簡早晚達明光

圃中兩鶴見余至輒舞

似爾蹁躑質由來具舞裳頡頏雲片落分  
窠玉塵揚未必能鴻度還疑學鳳翔將何  
消受汝棐八一鑪香

曾母王孺人學博公之妻而吳縣令  
君之母也背學博十餘年而其子令  
君得以官贈爲追挽之

風木豈無憾松楸雨露寬金章披馬鬣玉  
樹自熊丸墨綬光能借青壇坐不寒誰知

箕帚婦地下有鸞冠

惠山法院看衆僧作晚時功課

鴈序走袈裟居然帝釋家一燈千世界半  
偈萬河沙食施將歸鹿鐘驚乍宿鴉虎溪  
相送罷依舊展僂伽

其二

梅檀薰碧落幢節影丹青鈴韻如僧語經  
聲是海潮神龍八部集廣樂四天調自笑

詩所身有種 卷之十  
無明網三生未得逃

病小間

病來幽事廢病起却動勣杯酒延隣客香  
花供法王苦添中散癖稍減次公狂何日  
拋芝朮蟲絲網藥囊

其二

經旬忘盥櫛此日斲簪冠力爲降魔怯心  
因戰勝寬遣愁聊命酒佐弱強加餐却恠

新詩在人人喜借看

河澣僧舍訪恩公二首

欲叩栴檀座言窺蒼筍林長松壽者相蔓  
草衆生心僧衲裁雲薄經籤隱霧深支郎  
風韻別對客自蕭森

其二

君有彌天智予無四海襟仙凡原異調山  
水幸知音寶月容如舊金湯辨益深跏趺

詞彙補卷之十  
分半榻慧日已西沉

長夏攤書二首

長夏少來客閒居無別營忘機看鳥下適  
意送雲行弱柳扶難直新莎剗又生檢書  
日數卷千古屬深評

其二

閉戶不釋卷居然似一  
難計直桐  
淚或沾衣鵲戶

蝶飛自憐

甫謚老向簡編依

舟次大雨時方東作志喜二首

封蟻陰先卜鞭龍雨忽生川雲蒸欲沸渚  
溜急相爭亂荇投簾入崩沙擁棹行嘉禾  
應有望預此慶秋成

其二

驟雨挾雄風炎歊捲太空微憎晦平陸旋  
喜濯芳叢劃霧人相語封雲路不通舉杯

詞彙補卷之十  
四  
看襪襖便欲飲長虹

顧瞻來從燕都歸後閉戶鮮出賦此  
爲訊

齷齪悲人世多君好靜恬談天詞混混醉  
月意沾沾老尚毫端鏡窮餘劍鏑鈿一從  
歸洛後鎮日獨垂簾

早秋月夜獨坐二酉齋

晝長猶怯暑夜靜始驚秋斗室因懷侶鳴

蛩欲訴愁月閒尋幌入花冷傍人投別室  
金仙在蓮燈續未休

其二

絺衣涼再易金氣夜堂深月意曾無着秋  
聲不可尋松搏一片影竹娘數竿陰四際  
寂無語燒燈獨苦吟

其三

街鼓聲頻動城頭烏尾訛啼螿催織婦焰

蠟妬姮娥粟罅開猶少蓮房坼已多片雲  
河漢度莫是起風波

秋日龔方伯子勤要過佳圃爲歡竟  
日抵暮復乘輕舸泛月池塘得詩四  
首

結圃隣蘭若梅檀不住披陂池田父共肩  
鑰寺僧司密篠驅殘暑長荷扇薄颺爲懽  
不及放揮塵或彈碁

其二

移樽登桂楫長傍赤闌橋雜坐形骸畧雄  
談硯礪消嵐光濃淡見樹色淺深描把酒  
聽清嘖聲聲出絳霄

其三

蓮葉田田漾菱波泔泔浮觸舷三尺鯉避  
燭一羣鷗更迭爲觴政縱橫遞酒籌銀塘  
曾不遠容裔未言休

其四

一葉眇如許委蛇汎曲塘清歌呌水月白  
恰冷秋霜斲釋嵇康嬾將爲阮籍狂薄煙  
汀際合塔影挂微茫

憩華藏寺寺是古刹而湖負嶺地甚  
幽絕而頽壞已極慨然賦此二首

度嶺足凌兢龍宮始一憑野禽當坐啄鄰  
豕認階升衲侶不忘俗宰官翻似僧祇林

盡荆枳何處覓金繩

其二

白馬何年創青鴛此日荒飢分諸佛供坐  
借老僧牀草上采恩緣沙侵鼻屣黃誰知  
不壞地亦自有興亡

自惠山寺早起過華藏寺二首

夙酒醒猶在隨雲度嶺西香旂鋪似錦敗  
葉委成泥牧豎驚輿至樵人指路迷琳宮

應不遠寶樹出前溪

其二

夜宿法王苑朝尋佛子家後車載酒食前  
導有袈娑山市都無物湖田半是砂遙看  
清楚色散作嶺頭霞

於華藏寺過資福菴觀石大士殿圯

像無蓋茆

跟踰舉足沾支策入峰尖野紅生稻叢

林綠綻柑布金何寂寞鏤石自莊嚴瞻禮  
曾無地梅檀聊一拈

觀張俊墓俊妬飛附檜死有餘慚者  
停策上遺阡楸梧幾百年金鳧應寂寞石  
馬尚騰騫計陷勤王將心阿誤國奸九原  
如不死爲爾媿遺編

讓里舊業喜季常枉顧把酒田間二  
首



詩家補種卷之十  
深慚闔戶隱多喜抱琴過敗葉舒丹褥新  
醜卷白波鄰人看雜杏牧豎舞婆娑樂事  
有如此君懷定若何

其二

高春猶未起放鹿守柴荆約束新亭長風  
流舊步兵買魚饒活鯉煮飯足香秔十日  
期無負郊原勝市城

村暮卽事四首

日落山半紫輕煙四望披絮衣燈下綴香  
稻月中炊整柵收豚母擔芻飯犢兒深村  
無漏箭夜卧不教遲

其二

野燒何方起漁燈幾箇來兒曹思枕席鳥  
雀返蒿萊甕面葡萄酒鑪頭楫楸灰月明  
無警急權戶夜猶開

其三

訓厖先護宅信鴈爲支更別鳴迎神鼓前  
溪競渡聲魚鰕凡數種瓜菜亦多名晚飯  
田家樂真堪足此生

其四

月魄纖纖吐霞綃片片飛荷鋤田父入把  
炬獵徒歸家理牛衣卧人將蟻椀揮華胥  
無復夢日夕自忘機

冬日田間早起四首

初陽紅吐焰殘月澹埋光乞火供炊急剗  
泉灌藥忙鴉啼曾不惡鵲噪亦何祥盥手  
金仙下頻拈柏子香

其二

吾衰生事薄早起亦何求落葉先除掃殘  
書急校雙官橋纔放權酒肆已張旂茗椀  
呼童辦携琴客會投

其三

詩家卷之十  
十  
熟睡元吾好晨興展法華朝餐長屏肉卯  
酒或先茶歷歷離巢鳥垂垂帶露花夜來  
寒甚否早已問隣家

其四

簾篠眠不穩宿酒尚餘醺枝露懸珠顆林  
霞散錦紋牛羊齊出牧鳥雀亂成羣爲看  
朝暎色長愁雨雪雰

丁未元日家大人春秋八十率兒孫

輩捧觴上壽志喜四首

刻燕排春勝裁花篋綺筵兒無不朽業父  
有大齊年身世安畏壘生涯釣渭川晨昏  
甘旨奉惟仗賣文錢

其二

寒谷春難到陽和律已吹孫枝紛爛熳萊  
彩更葳蕤服食紅顏父趨庭白髮兒還丹  
雖有術不作義方規

其三

東皇纔御律南極喜臨門身稟三朝朔庭  
羅兩世孫刻鳩新拜杖銜鳳舊承恩侍  
讌蘭堂側占星夜正繁

其四

八十爲孩始春風化域中形骸如瘦鶴意  
氣耿長虹祖德開羣從而儕媿阿翁人生  
一日養真不羨三公

月下與客歸自惠山法院三首

並坐空門罷扶筇踏綺塍月容嬌妬妓雲  
影薄依僧籬犬來鳴客墻鳥起避燈佛香  
携滿袖歸路說三乘

其二

落日下招提松間振屨齊煙從山尾掉月  
借殿心栖巢鴿旁呼雀歸麋屢顧麇相携  
無列炬一任攘枯藜

其三

老去愛名山同人日往還雲扶過竹徑月  
送出松關坐樹舒長嘯尋流洗醉顏回看  
兜率上蘿磴杳難攀

元宵後廿日要同施罔卿龔方伯燈  
下小集酒半雨至施有作見貽依韻

賦答

良宵餘勝事上客擁長筵已斫姮娥桂還

生太乙蓮雨司觴政急雲避曲聲妍此夜  
雙星聚何須玉魄懸

其二

桂魄流光短蘭膏吐焰同驚鴻翻席上濯  
燕出盤中香散梅檀紫杯浮琥珀紅不嫌  
敲竹雨那怕落梅風

與客夜坐偶成二首

班荆方意愜重柝又嚴城樹鳥棲偏穩花

雁靜不驚深心同燭瀉舊話與杯傾已下  
今宵榻還申十日盟

其二

疎梅寒孕白深竹暗浮青在坐無凡侶開  
言卽道經家醪勝上若泉品亞中冷何意  
蓬蒿地參差聚德星

哭徐茂吳十首

本來江左客移作越西人羅綺爲湯沐响

嶮是比隣長瞻茂苑樹幾度武林春今日  
孤墳上淒涼奠一尊

其二

舉世工鉛槧惟君負令名有腸皆瀝盡無  
句不堪驚雖則雕蟲小終成削鑿精詞壇  
失輪扁末輩好縱橫

其三

物似張華博書如玄晏淫禪枝森鹿苑詞

藻蔚鷄林大海文  
星墜關河紫氣沉  
白頭知己在  
能不嘆人琴

其四

憶從湖上履與爾醉流霞  
誰意銜杯後翻成隔世嗟  
未聞驚鵬鳥忽自應龍蛇  
人命有如此休教擲歲華

其五

閉戶方自隱乘筴何所之  
應嫌五濁世去

赴十洲期委化形骸盡排空  
羽翮奇人天能再合緱嶺莫教遲

其六

一從仙吏謫威鳳逐鷄羣  
復向瑤天去重修玉局文  
素帷張夜壑丹旄出寒雲  
從此離煩惱生芻空憶君

其七

風裁高重嶽詞源倒急湍  
一朝人已矣四

謝象菴補卷之十  
始倩誰刊無復龍門望將令牛耳寒生平  
懷大雅於爾淚汎瀾

其八

錦埒尋山伎澄湖載酒船促生非有癖涉  
世尚無年新鬼松間哭羣狐隧裡穿行人  
多嘆息原氏有遺阡

其九

同榜不獨汝同心惟有君如何吳越地竟

竹死生分三竺悲零甫南屏悵斷雲名山  
業不少將欲訂遺文

其十

墓草聞已宿遺編猶未鐫應將數詩卷去  
瘞一山川埋骨會須朽其人自可傳生平  
宦不達爲爾問高天

哭壻孫源孝四首

濁世佳公子儒林苦志人那堪南國彥化



謝象菴稿 卷之十  
其五  
作北邙塵獨守哀嫠婦雙啼痛老親我思  
亦不淺嗚咽淚沾巾

其二

四大終歸盡誰能避九泉所嗟易筭候尙  
是棄繻年學羨三餘富人尤萬石賢鏡臺  
空已矣玉樹總徒然

其三

汝身長喘月汝氣實如虹詎意龍媒種將  
瞻馬鬣封精神凋竹素事業竟章縫有婦  
肝腸磔多應地下從

其四

佞佛年來事爲儒宿有聲橫階書草亂映  
八慧花明未就青緗業先寒白社盟情親  
空痛哭爾已證無生

圃中有鶴且死命掘地理之

一自逃徒侶相依且數年主人方戒殺爾

詩象菴和 卷之五  
食亦無鮮善舞聽經後長鳴向佛前凌霄  
將藉汝委蛻實堪憐

其二

耳目豈徒玩祇園實爾司應門同白鹿繞  
座學青獅華表不復去令威何所之名山  
今瘞汝墓草盡仙芝

過山家四首

深塢憑誰問孤筇暫蹙爾過筍如童子長花

並野人醜矮屋妨巾幘頹牆仗辟蘿水風  
侵白恰八席枕流波

其二

去市只數里居然磴道賒燒山出狡兔薙  
草捕鳴蛙槐目全收雨松腰半束霞岩阿  
迴復處猶自見桑麻

其三

結屋連丹壑松扉鎮日關支牀惟有石立

言象者種之卷之十  
壁但看山遠澗澆蔬引喬柯探蠶攀主人  
力作苦未老鬢毛斑

其四

鵲巢當坐右鷄柵在牀頭拾粟爲茶品攀  
荆作酒籌短衣非示慢清話亦能酬名姓  
從人得驚予是故侯

調象菴稿卷之十

調象菴稿卷之十一

梁谿鄒迪光彥吉父著

五言律詩九十九首

閒居照鏡却見白髮二首

簡編高自束茗椀動相隨習嬾如多病爲  
翁似小兒署門猶下客苦詠不成詩怕取  
秦銅照星星兩鬢絲

其二

詩象者補卷之十  
世路那可問吾衰習隱淪鹿馴能認客筍  
長已過隣白髮不放汝青山應笑人亦知  
身是幻聊爾學經伸

夏日園居十首

池淡通地脈臺迥借峰形錦石題羣彥瓊  
葩護衆靈山厨長斲肉松舍但藏經坐久  
消煩熱蓮花佛首青

其二

桂老能招隱松高不受封調禽相對語拜  
石自爲恭樹宿雲千片山描靄一重應門  
人未暇日暮有游筇

其三

咫尺規途近委蛇辨路難坐遷涼到席倚  
徧月當欄水氣先冰椀風威失素紈科頭  
作山長差得勝微官

其四

滯屐嫌苔蘚鈎衣怕棘榛密房山爲貯複  
道水相巡鹿每憎游客鷗知認主人何須  
傲金谷心賞貴能眞

其五

五丁斤乞得爲我被鴻荒重設泉關峻齊  
開石戶涼鏗球竹萬箇簸浪樹千章蔭界  
吾能占蒲團日坐忘

其六

雲蒸花吐艷日射水流紅雙閣低羣象孤  
亭快八風移蔬先辨性課鳥不論工袒跣  
無餘事逢人勸碧筒

其七

却日松間榻生寒水次扉寺隣僧到熟城  
遠客來希畏熱禪心淺貪閒世念微田田  
蓮葉滿將理芰荷衣

其八

詩集卷之十一  
水葉涼堪綴雲花黯欲垂扶籬防酒客攘  
果任隣兒佳茗依方瀾新花按譜移未能  
河朔飲朝爽一銜卮

其九

赤甲雲衣布朱輪日御低羊公鶴不舞支  
遁馬長嘶候雨過原上追風走竹西逢迎  
日謝絕默坐養天倪

其十

山水原吾好泉石非所居菟裘營未畢  
餽已無餘立木歸籠鳥呼名集沼魚客來  
供具乏帶雨摘園蔬

帝京篇五首

帝里開秦甸皇都應上台官槐當道植御  
柳夾城栽動地笙竽沸彌天車騎來殿門  
平日啓詔選柏梁材

其二

詠象補和卷之十一  
皇漢先西顧崑崙抗建章條支輸翡翠大  
宛貢飛黃虎觀文儒集龍驤武騎揚還如  
穆天子欲上白雲鄉

其三

百二河山壯時時紫氣浮椒房羅窈窕蘭  
綺靜戈矛丞相新開閣將軍盡拜侯離宮  
三十六歌舞未曾休

其四

曉道煙花麗旗亭綺繡香里兒傾衛霍市  
女學姬姜春月平康館秋風羽獵塲還聞  
五陵客滅燭讌華堂

其五

隴首爲藩固昆明習戰寬祈僊授秘冊禮  
斗築靈壇藥大纜封爵韓嫣又拜官侍臣  
逢異事不設便譏彈

酒間贈章山人敏學

見我投詩句毫端彩陸離汝中應了了汝  
口獨期期世事堪瞋日人情但相皮勸君  
須盡醉紅友是新知

答楊瑩父苦熱有懷山園二首

荒林何所適長夏亦相當柔雨絲微爨奇  
雲錦乍張觀魚樂意得盟鷺俗情忘洞口  
緘書到飛來字字霜

其二

不覺亭臺少猶嫌枳棘多十年營一圃兩  
鬢已雙皤鷓鴣肋疲如此鳩巢拙奈何煩君  
苦相憶早晚待經過

舟過太湖泊西山口首登龜山

湖山應萬狀小試已奇觀石潤疑濡墨楓  
乾盡染丹帆檣攢浦淑鷄犬出檀欒縹緲  
峰何在還從天際看

雨中游玄陽洞



薄雨灑縱橫言尋小洞行  
藜筇扶更滑蠟炬照還驚  
地肺深難竟天關豁乍明  
老僧持呪坐儼若古先生

於暘谷洞歷伏象諸巖地盡崎嶇扶  
童而上

濟勝慙無具扶童稍自支  
巖形疑閃忽石狀盡離奇  
窺洞先除莽尋蹊每扶籬  
不嫌多枳足意慳已忘疲

宿上方寺故吳王消暑宮

避暑曾前代清涼此法林  
彌天花是雨布地葉如金石  
印真常性湖通不住心繩牀  
雖暫假趺坐到橫參

飯水月寺逢僧含章是一公  
徒孫以詩代簡寄訊

傳飢真堪飽伊蒲夙有緣  
異香金粟到清蔭寶枝懸  
說法無長老逢僧尚少年  
因聲

詩身補種卷之十一  
問支遁駐錫定何邊

下縹緲峰至水月寺午飯二首

偏側四山中籃輿曲曲通  
室廬皆石戶井  
伍盡園公問樹年多老  
看山首不童蒼頭  
儂狡甚攘橘惱村翁

其二

欲赴桑門饌因投佛子家  
閒雲生瓦鉢枯  
樹挂袈裟殿廢耘爲圃  
泉香寫當茶如來

不可見金粟已飄花

華山寺

龍象已荒涼園林是道場  
橋垂綠萬顆松  
挺翠千章水葉僧衣薄  
山厨法醞香沙彌  
殊解事摘果數相將

至西山盡處

石塢當山盡秋風半掩門  
蒼颯緣屋杪黃  
犬卧松根社酒徵鄰里  
家筵集弟昆岩阿

詞家雜錄卷之十一  
岑寂處應有古風存

其二

重阿別一天芒屨費黃緣雲樹姿千變霜  
藤壽萬年游麈狎馬後驚豕突人前賣橘  
歸來晚津頭夜火懸

郊居承林若撫過訪有詩見貽賦答

二首

經旬無剝啄有客忽相求不挾孔融刺還

披季子裘文心真作者酒德亦名流好拂  
梁間榻應拚十日留

其二

郊居淡避客爲爾下蒲團酒戒容相借齋  
期不暫寬新詩互題品舊話各汎瀾午夜  
銀蟾出松扉竝倚看

有僧學安者不煩紹介而謁余衡門  
出詩稿索序爲贈二首

謂家菴和卷之二  
瞿曇日坐對法侶喜相探百衲衣從結一  
函經自擔毫端生月露語次帶煙嵐吾已  
空諸有微名笑尔貪

其二

振錫自何所浮杯到草堂袈裟卽卧具瓦  
鉢是行囊苦受詩魔縛翻令習氣狂詞壇  
吾教主爲尔渡慈航

哭四弟彦明六首

同氣惟餘汝相看事事真如何旬日病却  
死少年人滅性曾無故傷生或有因一悲  
還一恨驚苦白頭親

其二

雖無第五名差不負家聲鬼伯何相促天  
公苦未平難存是汝婦堪仗只伊兄不獨  
人琴感悽然骨肉情

其三

汝兄不似父，愛弟却如兒。末路方相倚，韶  
年胡奪之。墳窳乖竝奏，棠棣失聯枝。欲倩  
巫咸召，魂兮未可期。

其四

汝多山水好，禽慶遠爲徒。今日乘箕去，須  
知傍五湖。空留未亾婦，誰育藐諸孤。吾死  
應猶未，妻兒爲尔扶。

其五

哭汝向泉臺，悲風颯颯催。三荆花半死，四  
鳥翻多乖。獨向妻孥訣，雙牽兄父懷。雖然  
隨蝶化，定不作牛哀。

其六

有弟雖方壯，從兄不暫違。同過新酒肆，竝  
隱舊漁磯。鵬鳥來無幾，龍蛇事忽非。那堪  
寒雨外，雙頰淚頻揮。

老至四首

老至喜無能虛游任愛憎身閒惟課鶴足  
健只尋僧萬卷為三益一罇如百朋區中  
吾自在何物上眉稜

其二

五十吾將老婆娑白髮生看山當戶坐覓  
句繞池行托酒原非好迷花或有情塵涂  
蕉鹿夢底事博浮名

其三

結習在詞苑雄心老未徂嬾來欲痊硯興  
至且操觚拂袖先辭宦歸田又作儒賣文  
錢不少時過酒家胡

其四

無營長兀兀有鬢已星星對客酬奇字從  
僧借佛經一腔吾自赤雙眼為誰青潦倒  
餘生事從今罷獨醒

輓安茂卿四首

詩集卷之三  
早歲獨翩翩揮金結少年徵歌三百伎快  
飲十千錢歛段霜蹄捷純鈎血色鮮繁華  
垂老棄歸向大羅天

其二

好古生多癖君眞張茂先鼎彝三代上刀  
劔六朝前鳥篆羣靈護龍威上帝傳物留  
人不見隣笛總堪憐

其三

大雅今無幾風流爾獨奇尋花雙蠟屐醉  
月一瓊卮堅白公孫衍丹青顧凱之人琴  
何處是調絕有餘思

其四

十上逐公車人誰薦子虛鳳毛殊燦爛驥  
足竟躊躇未獲馮唐遇空懷主父書雄心  
死不滅泉路定何如

分竹

詞彙補種之十一  
何物堪蠲俗惟君愜素襟碧分湘水色綠  
借渭川陰帶雨千竿淨鋤雲一畝深籜冠  
應待汝不爲子猷尋

植梅

不少名葩在先春獨爾芳隴頭將寄信嶺  
畔忽分香瘦影斜橫碧柔心半吐黃祗無  
佳麗質爲作壽陽妝

種桃

移得綏山種參差洞口開舞裙分綺繡歌  
扇與徘徊不學嬴秦避寧煩劉阮栽春明  
霞萬片爲爾劇銜杯

插柳

柴桑吾所慕植柳及春先寒漱千行雨輕  
拖萬縷煙拂堤腰態弱映石黛痕鮮媿不  
如張緒風流正少年

種蘭



九畹乘時溉葳蕤秀色深握香推大國何  
意托幽林不遣門前植還供澤畔吟斷金  
風誼遠因爾念同心

栽蓮

本是華池種偏於火宅依碧筒堪貯酒綠  
葉可裁衣帶苒凌波亂含萍落日微橫塘  
風景似誰唱采蓮歸

樹松

大有興公意齋除徧植松長操君子節不  
受大夫封妖矯應巢鶴風雷或化龍還留  
代塵尾玉屑吐從容

灌藥

文園何所事消渴類相如五石那須煉三  
芝未可儲長梭諸藥草兼讀古方書此日  
春風下應教病骨舒

清溪莊灌木交加密陰如蓋泊舟其

詩象卷之十一  
十五  
畔納涼六首

昔酒携椒桂輕橈命木蘭遠山居樹下古  
寺立雲端鳧渚縈蘆窄魚梁得水寬依然  
濠濮意落日且盤桓

其二

放溜如奔馬迴橋似斷虹冰筵當水月玉  
笛叫晴空拭汗無何晏揮紈少鄰公酒闌  
人錯沓分席與田翁

其三

畫橋通繡阪粉堞對芳津月貌閒如女雲  
丰巧作人清樽消塵尾翠管叶歌唇栩栩  
林間蝶時來點葛巾

其四

一溪聊進艇六月却如秋清陰從虛得微  
香挾水浮濁醪持汎羽紫實待藏鈎但足  
祛煩熱何嫌有勸酬

其五

碧野紅塵淨青林赤日微調絃和石瀨曝  
網雜雲衣遶坐言如屑傳籌酒若飛橫塘  
無近遠隨意射雛歸

其六

鮮霞鋪水面墜日貯湖心山籟發遙思村  
春通遠音豚蹄伏社樂燈火夜漁深坐久  
星河動蒼茫把劔鐔

賦得美人舞旗

何處深閨質前溪按陣圖張旂紛集燕交  
幟亂驚鳧但得當新卒寧須問故夫懸知  
角帳內夬勝似孫吳

賦得五方僧舞鉢

殊方學佛子並集法王城不作焚香坐還  
爲舞鉢行迴旋如怖鴿流韻點蒲鯨寧獨  
供游戲神通示衆生

賦得衆美人舞燈

已是奇姿擅還多妙技稱都將雙皓腕來  
把九微燈燄逐纖腰轉膏殘逸態增燭龍  
與飛燕掌上各凌兢

贈王翁翁以子貴罷官不仕爲賦此

詩

不逐雙旌貴長嫌五斗勞黃冠歸里社朱  
紱與兒曹世事俱蟲臂生涯但蟹螯塵途  
多束縛君獨解天弢

春日承少師申公以犬馬之齒枉駕  
衡門兼貽篇什荒圃茗椀竟日周旋  
賦謝六首

推轂慚無補餘生六十年今當林下日猶  
枉郢中篇麗藻光岩穴清風拂几筵蓬蒿  
一畝地喜得奉真僊

其二

詞象菴稿卷之十一  
相業三朝舊詞才兩漢餘多公賜華衮兼  
復訪蓬居解語花爭笑含顰柳競舒物情  
權已極人意更何如

其三

上相功成後聲華擅秬林我無山水調偏  
得子期心野蔓鈎衣進巖雲對塵深錦茵  
容容唾雜坐傍花陰

其四

至人能匿跡野服過林臯振屐穿蘿捷揮  
毫刻燭勞禽言調雨碎鹿隊出雲高不少  
匡時意懸知付濁醪

其五

豈意雲中鳥朝來扶雀羅儘容談似屑未  
許酒成河白髮臨蒼嶠丹顏映碧蘿追陪  
瞻斗極瑞色滿巖阿

其六

詠象菴稿卷之十一  
書靜因隣寺春寒爲近山幽居稀轍跡匡  
坐閉柴關鶴馭從天降龍門竟日攀要權  
無一物餉客但潺湲

春日園居雜詩二十首

何物薰人醉朝來花信風鶯還如逸少鶴  
不似羊公牽葉行憐翠攀花坐惜紅銜杯  
無與晤目自送飛鴻

其二

東陸光初麗西園景漸和雲情要作賦月  
貌出當歌嫩草侵鞦勒幽花笑綺羅科頭  
忘應接一任客來多

其三

早棄簪纓貴清谿一壑棲豹文終隱霧龍  
德且蟠泥友鹿羣長失盟花約不齊山雲  
無定在消息見天倪

其四

行吟不放盞坐釣亦携書山鳥時調弄階  
莎勿剪除習眠如濕柳避客似驚魚游冶  
非吾意春光任爾舒

其五

雖然耽寂寞春事亦偏嘉紅粉爲梅頰黃  
金是柳牙草憎阮籍屐花愛傅玄車山磬  
時時落林端演法華

其六

鷗社誰堪主菟裘我自營對山九嶺出分  
水二泉清逗幕將雛燕掠人學語鶯林間  
無俗物病骨自然輕

其七

風至能薰面雲來欲捧膺鹿延携酒客鶴  
應扣門僧西岫投東圃新流走舊塍朱樓  
開佛日時自說三乘

其八

堤篁辭紫籜欄藥吐紅苗暑酒銘堪勒名  
魚個可招雲寒尋幌入霞碎雜衣飄趺坐  
經時久塵涂意漸銷

其九

豈是碩人邁幽居但卧疴爲詩慚下里尋  
夢入南柯桃埒飛紅雨松塘點碧螺羣奴  
任除掃還讓輞川多

其十

避世原無意桃花宛似秦野麋留作伴老  
衲許爲隣力向移山竭家因治圃貧客來  
供具乏自摘雨中蓴

其十一

雜苔生古砌亂木障脩廊引水庶濺出將  
山出折藏六時慧遠漏四大印公牀春至  
無餘事煙霞結束忙

其十二



柳縷纒拖雨桃腮又報晴哦詩抱樹立持  
呪繞堤行山叟要談論園丁代使令吾儕  
能結構拳石也馳名

其十三

疏蘭不當畹秔竹亦名林未覺煙霞淺還  
多丘壑深逢僧偏索酒對客但橫琴何物  
堪消日門生洛下吟

其十四

不問辟疆是還嫌金谷非親人在魚鳥悅  
自有芳菲小可藏書室差堪引釣磯此中  
少儻父妍醜漫相譏

其十五

束樾穿爲徑揉松曲作關羊求容問入支  
遠得忘還書架旁連樹糟丘半在山披帷  
人不見放杖踏花斑

其十六

謝象菴稀齋卷之十一  
山深物候異久住自能諳繡障粘蔥翠銀  
池漾蔚藍中龕棲太乙別殿奉瞿曇路折  
人勞問兒童作指南

其十七

竄身棲洞壑滅景抱菰蘆煉藥爐親護烹  
茶水自斟行螭點柳靨鬪雀損花鬚舉目  
滄洲在寧煩宗炳圖

其十八

不離塵壤內別自創乾坤恠樹春秋老駢  
蘿日月昏驅雲過百磴疏澗下千門一壑  
真堪隱棲遲亦主恩

其十九

山風吹木末松子自敲牀階沒王孫草墻  
支帝女桑鶴衣藏柳綠蝶粉受花黃有客  
攜琴到清齋坐法堂

其二十

三徑雖然設雙扉長不開犢眠新過雨豕  
鼠乍驚雷掃葉炊紅黍將花釀綠醅無多  
勝賞處會意獨徘徊

攜家園居二首

不學龐公隱青山八口從房櫳棲鶯鷲井  
日落芙蓉人盡商巖叟家爲石戶農箕箒  
千萬个更得號侯封

其二

已成小有洞復似淨居天瑞草呈三秀  
文積萬篇老妻評水石稚子說山川我意  
渾無着團焦繡佛前

雨後行園四首

輕衣沾薄雨短杖踏新晴林犬啼如豹山  
雞轉似鶯有枝皆布蔭無卉不爲榮勝賞  
人誰解臺池自品評

其二

雨意殊無着林光轉自新  
揀枝多翠羽唼藻有朱鱗  
筍出長當路雲飛不過隣  
鶯花偏傲客獨向主人親

其三

小雨輕唐突來侵薜荔  
裳枯藤受鼠齧暗柳待鴉藏  
葉嬾先投砌花狂自出墻  
庭梅青未熟園叟已先嘗

其四

香雨流膏壤柔颺剪積蘇  
陂塘各自向棟宇互相扶  
乳鴨常依母遷鶯亦帶雛  
林芳雖滿目綠暗已模糊

大雨後繼以大熱殊不堪  
忍取釋氏書消之得詩二首

玄冥方肆虐赤帝復爲殃  
處處施冰簟時倒蔗漿  
松風翻釀暑梧月不生涼  
獨有空門偈能令毒熱忘

其二

稍弛屏翳令又假祝融權四大那堪鏢三生總不堅投身無白社喻法有青蓮請看菩提路居然五濁邊

調象菴稿卷之十一

調象菴稿卷之十二

梁谿鄒廻光彥吉父著

五言律詩五十六首

稽天大浸時事可虞已賦古詩二章  
再成五言律八首

雨勢日翻盆縱橫蕩海門高天無碧落清  
晝亦黃昏屋雷千瓴注陂塘萬馬奔懷襄  
今已極野哭總銷魂

其二

密霧深相構重煙覆若幪天衢失象緯世  
界似鴻蒙萬壑誰降薄羣湖自競雄那堪  
飄泊處十室九家空

其三

一雨三旬積天河似欲傾綠疇成巨浸白  
浪走重城聚葦聊棲活撈鰕且托生災氛  
有如此蠲恤望持衡

其四

傾耳貪聞鵲驚心怕聽鳩茅簷積蘚厚土  
銼冷煙浮地是龜鼉窟身將魚鱉游生涯  
愁泪沒不獨杞人憂

其五

匝陰長護地蹴浪欲掀天水箭移城邑雲  
師橫野田蓬根十萬戶斗粟一千錢時事  
真難料能無損宴眠

其六

絕少明離電無無出震雷  
三句大雨絕無雷電 滂霖  
淹日月積水沒樓臺行恐蛟龍得居疑罔  
兩來江湖漸滿地何處不堪哀

其七

投老遭時變憂端苦未舒有家俱泛梗何  
處是居廬大陸將為壑生人欲化魚愁霖  
雖賦就搦管不成書

其八

巾舄從教爛琴書曝不乾樹頭學放棹屋  
面走驚湍環堵百無一荆扉葺又殘突煙  
蕭索甚猶復急輸官

月下同恩公明之輩曾閣納涼各申  
名理三首

月下山如畫風前樹似秋清言同樂令妙  
法有湯休驚鳥當筵墮移星滿面投吾儕

忘禮數客去不能留

其二

憑高無百尺爽氣若干層  
捉塵忘揮扇携螢強作燈  
地涼疑傍佛髮在獨輸僧  
小品相酬逞冷然破鬱蒸

其三

銀河當席上玉斗絳欄前  
指月禪能喻談天論盡玄  
宰官知佛法衲子解詩篇  
支許

風流事吾徒敢執鞭

秋至尚熱再同若撫孺子二兄納涼

鬯閣四首

清商沾未得流火劇相侵  
地不如蓬苑人還似竹林  
窺樽欣汎蟻薦果悅來禽  
何物堪蠲熱詩裁白雪音

其二

重臨傾白墮極眺引清虛  
殘月鈎相似鮮



霞錦不如機忘屏城府意到或軒渠一葉  
檐端下呼童莫掃除

其三

餘熱秋仍烈馮高爽氣分隔城山吐月繞  
屋樹棲雲袒跣能仇禮盤餐不雜葷劇談  
千劫外未許俗人聞

其四

炎雲滿眼赤坐愛竹梢青城晚山如黛村

昏火似星當杯問酒史滄茗按茶經莫便  
悲團扇秋來尚未停

和林若撫携沈朗倩見訪重集響齋  
之作二首

應門誰箇是五柳獨當關雲錦堆羣籍丹  
青響衆山麓驚出竹外鹿喜候松間好似  
同棲客晨昏去復還

其二

知已無新故相將就竹林文俱成鳳彩氣  
可啗牛心滿引中山酒輕調太始琴巖更  
當促席剪燭夜堂深

秋夜與林若撫宋明之張震之諸君  
集鴻寶堂若撫卽席賦詩見貽依韻

和之

早秋餘熱在子夜始淒清坐襍談鋒密詩  
先謔浪成雙調憐鳳管百罰怕犀觥小立

單衫冷香墀玉露生

其二

主人真率甚客至自淹留被酒長離坐哦  
詩忽上樓竹如湘水夜橋似洞庭秋十日  
平原會堪銷百歲憂

其三

香颺徐拭面弓月迥臨筵擘阮當清夜留  
髡盡少年苦吟詩獨後不飲醉長先雖下

詩象卷之二  
梁間榻多應掃石眠

其四

年齡忘長幼踪跡任飛沉  
共喜金蘭合相傾  
玉露深天空一葉  
舞月午百花陰  
刻燭移清漏  
吟成各賞心

秋日同俞君寶宋明之林若撫俞伯  
鱗汎舟至山園兼過法院次若撫韻  
水容開皎鏡汎渚愜新秋  
紅樹能迎客青

衣學駕舟藥欄天露洗澗道  
夜珠流自笑如拳石難言五岳游

其二

不少區中樂兼多物外情  
隨僧禮猊座與客狎鷗盟  
餽飪長爲飯魚鰕亦作羹  
竹林蓮社在隨分了吾生

其三

廣圃深瀦壑駢房曲貯山堤  
長留竹捍牖

每惜花關日暗厖先睡林昏鶴便還名流  
眞爾輩杖履欲追攀

其四

竹塢移尊罷祗林着屐從心隨比丘淨身  
對薄伽恭靈籟疑仙鐸丹幢學壽松山光  
襲衣袂片片是芙蓉

吳江道中夜汎把酒得光字生字呈  
明之若撫諸君

風靜且鳴榔宵征非太忙妍蛩寒對語洲  
芷暗傳香密樾疑山影明星當月光飛觥  
同棹急爛醉水雲鄉

其二

湖天渺空碧容裔放舟行玉魄雖埋照銀  
河亦自明浪鷗爭侍酒汀鴈爲司更共載  
非凡侶相將况麴生

語溪道中喜若撫諸君嚴設酒政放

懷劇飲二首

挂席晚風恬篙師報水籤文心如佛慧酒  
政似軍嚴礪礪澆都盡玉山倒不嫌已拚  
傾宿釀一任夜厭厭

其二

典席申功令糾觴稟法條詩腸流白雪酒  
頰暈紅潮孔史醒難解姚羌渴不消持螯  
吾輩事禮教倘相饒

嘉興不佞舊游地也大浸蕭條若撫  
兄以詩傷之中間寓意不佞依韻有

答

虎符曾駐節鷄肋爲浮名得返山中駕長  
從原上畊江城數載別水國片帆行故吏  
傷時事魂銷野哭聲

其二

昔時文戰處魚服偶經過綠坂行檣艦朱

詞彙卷之十三  
九  
門浸薜蘿鮫人疑儼室瓠子痛填河不少  
淮陽意其如罷吏何

登湖心樓

丹樓翠繡箔橫眺俯清漣雲樹冰壺內笙  
歌水部邊兩湖開一鏡三竺面諸天倘遇  
凌波襪依稀是洛川

其二

蘭橈徐蕩漾繡閣此登臨浩渺鋪銀漢透  
迤護玉岑化城平入掌水國正當心長嘯  
風吹斷天空不可尋

西湖數日炎飈挾雨大阻游屐旣抵  
嘉禾而天日清朗矣移詩山神責之  
山靈不解事風雨拒游人豈意蘇公岬翻  
成妒婦津武林天已漏長水日如新岩石  
題難徧令予彩筆噉

九日從吳江渡太湖至上方登高天

謝象菴集卷之十二  
雨不注悵然有作

吳山擬選石筌澤且乘流未落子孟嘉帽先  
尋范蠡舟雨蓑騎犢背煙艇得鱖頭綠酒  
真堪載黃花無恙不

送寅上人之京師造藏二首

豈不憚遠涉深心爲貝多團焦借碣石擲  
錫過滹沱鉢去黃龍護經來白馬馱 聖  
朝人好道對爾似彌陀

其二

大道在津梁燕都路渺茫孤筇能挂衲一  
鉢不齋糧說法傾中貴傳經自尚方願於  
佳麗地長似對空王

冬夜問奇堂與若撫兄小集時彥公  
諸弟俱至

密牖開平楚踈櫺帶少微嘉賓如白壁羣  
從似烏衣村鼓鷄同報觥籌塵竝揮勸酬

訓象菴稿卷之十二  
無定準主客盡忘機

其二

有客自金閫昆朋集一堂六龍食竝下七  
步秣誰長代肉尊羨美如油米汁香雖然  
田社飲語不及耕桑

恩公卧疾艸菴同明之諸兄往問二

首

支殊翻示疾訊疾乃維摩烏篆生香積螭

紋上貝多談鋒應小殺禪藻復如何莫向  
醫王問心君可治魔

其二

生死關頭路蒲團得力時且收支遁舌莫  
戀惠休詩慧劍長提拂摩尼好護持花冠  
皆委落不謝是禪枝

入海會寺

古刹九達邊攀躋亦未便草溪齊佛足苔



謝象春種菜卷之十三  
老過僧年坐對長明火厨飛不暖煙惟餘  
垣外岫歷歷捧諸天

其二

傍城靈鷲峙百雉擁瞿曇市婦來施襯鄰  
鷄報放叅一聲松下唄三寸佛前柑卯酒  
醺猶在摳衣上殿慙

宿法相寺二首

僻性愛招提山房住杖藜未昏先卧鹿深

夜不聞鷄趺坐居僧內經行到殿西禪心  
何所得事事學闍黎

其二

暫宿贊公房方秋午夜涼野俚頻竊食山  
鬼競窺牀一豔分雲白孤筇帶蘚蒼清泉  
如玉液乞火自煎嘗

壽施罔卿

老至看雙鬢猶然未二毛青門瓜自種白

雪調長操事業今鷗社  
聲名舊馬曹遺榮  
兼好道久已解天弢

其二

自解清卿秩悠然老歲華  
一官忘小草何  
事不空花載月青絲竿  
嘶風白鼻騮東山  
聲伎好遮莫謝公家

田間信足值山叟  
要至其家小憩贈  
之以詩

人老竹同瘦家貧花亦寒  
鶉衣長似衲鶴  
髮不支冠榭葉供晨爨  
松膏待午餐多君  
高枕卧門外少波瀾

其二

鄰比三家少檐楹  
七尺低花房留作蜜菜  
甲劑當驚吠犬如啼豹  
晨鳩亂曉鷄詩書  
亦解讀只自把鋤犁

送漸圓上人辭余法苑去禮峨嵋三

首

丈室辭摩詰叅方謁普賢投棲玉壘月乞  
食錦城煙鳳刹盤叢上空王望帝邊禪心  
無住着飛錫自翩翩

其二

香積鎖芙蓉西行一鉢從五丁來問法百  
濮看傳宗衲綻巴賓布經擔大夏筇玉毫  
倘可卽鳥道不辭重

其三

何處去經行公孫白帝城峽雲足下度竺  
國眼前橫瓶插楊枝淨囊携貝葉輕山中  
有靈鳥時自說三生

秦公安添維索詩應之

聞君噉湯餅喜色滿房櫳玉昔栽天上珠  
今入掌中鳳毛應耀日龍種定追風王謝  
門多俊將無讓阿戎

午後信足湖堤薄暮乃返得詩四首  
重堤秋日暖芳草綠猶肥拳足鷗能立藏  
頭雉不飛錦苔柔似縵繡木暗成幃入暮  
香塵沸金鞮蹀躞歸

其二

踈柳猶藏騎殘荷不蔽舟冒嵐山鄭重梯  
水路綢繆鶴去雲相送人歸月爲留翠娥  
紅燭內時有一僧投

其三

結束青樓妓亭亭立水隈玉顏翻障扇冰  
腕善擎杯巾地球璣壘彌天錦繡堆王孫  
遮道上飽看不知回

其四

紫埒似編錢重湖上下連水虹闌去棹山  
鳥喚歸鞭打幔風無力臨觴月有權貪奇  
多眷戀小立露荷前

調象菴稿卷之十三

梁谿鄒迪光彥吉父著

五言律詩一百十五首

巳酉元日二首

白日去難繫山中曆又更佛奴不厭老隱  
者未須名歲事從鷄卜生涯與鷺盟袞衣  
聊斲攝豕鹿亦相驚

其二

詩象補遺卷之十三  
吾生當老大鳳曆漸驚看瑞莢符元會芳  
梅識履端一庭羅彩服四世共椒盤絕勝  
趨朝日鳴珂犯露寒

贈邑簿王立麒

佐牧良非易君才獨不難河陽分樹種單  
父借琴彈候鹿多於吏閒雲冷似官下僚  
堪大受名已上長安

人日言懷二首

潦倒又逢春條風掃陌塵窮愁虛度日垂  
老未如人瑞氣催新萼融冰出細鱗韶光  
真電焰誰是百年身

其二

三陽當歲建七葉應時開剪勝人相似圖  
花鳥欲猜桑榆淹病骨丘壑老庸材便理  
尋春屐捫蘿躡紫苔

新春同王靈運周承明沈璧甫諸友

詩家雜和卷之十三  
人入山徒步西郊二首

芳郊命短筇風軟日華穠  
花鳥承新令山川易舊容  
松扉爲世業竹壤是侯封  
香積將投飯因人問午鐘

其二

野橋破靄出山市受雲吞  
觸騎鷄鳴屋憎人犬吠村  
密蘿穿有隙古蘚踏無痕  
久徑逢僧話淹留坐石根

登錫山高頂二首

突兀芳丘上龍山此附庸  
屯雲萬瓦疊夾樹一湖重  
石蘚丹霞駁崖莎綠髮穠  
夕陽羣籟起不辨暮天鐘

其二

支策不百仞居然見五湖  
峯孤別嶺輔壑狹亂雲逋  
瘦石蹲供坐頽松臥引途  
梅檀佛殿冷鳥雀弔浮屠

詩象補遺 卷之三  
早夏要楚中彭無聲文學過山園四首

不作金門隱長爲石戶農池容三尺水山  
矗兩枝峯巢幕何憎燕分花亦耐蜂因君  
多雅調竟日喜相從

其二

舉世誰同調相攜幸楚材雲衣投作幄雨  
點結爲苔郢曲君方奏吳趨我獨裁綠陰

殊解事畱客罄罇罍

其三

未暑先多熱涼颺起復阿流泉皆滑乳弱  
蔓是穢羅睥睨乘丹嶂儲胥捍綠波禽魚  
饒喜色要得楚人歌

其四

何意梁鴻里能來宋玉流清癯如鶴立吟  
嘯有鶯酬藉草臨池面攀桃指樹頭只嫌



山水調不廢蓼莪愁君方讀禮

入大滌山宿洞霄宮羽士房宮甚荒

落不堪托足二首

福地已荒涼仙真事渺茫虛堂山鬼嘯破  
壁野狐藏遺跡元前漢殘碑認大唐羽流  
驚客至倒着白霓裳

其二

一榻石間橫芙蓉面面生苔深禮斗處松

作步虛聲丹灶無留藥仙壇已覆荆秭餘

宸翰在墨彩尚崢嶸

宮有宋理宗書  
洞天福地四字

飯幻住菴二首

鈎雲得香積法界有無邊山窅日不出巖  
虛樹倒懸經天尋白社入地掬紅泉一飽  
桑門饌攀蘿足更便

其二

候飯入花宮披襟坐碧空山形如舞鳳水

勢盡飛虹欵段嘶松下沙彌語竹中羣峯  
鬱相抱不辨日西東

千丈巖僧房是高峯禪師瘞骨處二  
首

道體何生滅名山證涅槃烟霞神與在崖  
壑骨深安一磬空中答諸天地下看相傳  
有衣鉢只作幻塵觀

其二

山毛披牖密石骨架檐牢綠覆三春雪紅  
開四月桃隔巖蹲乳虎絕壁叫懸猿濟勝  
非無具攀緣偏側勞

活埋菴是中峯禪師脩道處高麗王  
尋師至其地云我師活埋於此乎後  
人結菴因以爲名

一語禪機在精籃遂托名當胸丹嶂立噴  
面石泉橫香火猿猱侍伊蒲豕鹿爭活埋

詠象菴種卷之十三  
吾亦可將此殉餘生

獅子林是山之正殿至時方日午二  
首

宗風先後振寶刹至今存  
軋闔司天樂波旬守殿門  
千峯共雲霧一嶺變朝昏  
日午僧厨飯鐘聲萬壑奔

其二

百折始離礪三休方上臺  
雲心蓮座出石竅法輪開  
飛瀑衝人過靈飈伴虎來  
不徒貪佛日勝絕且徘徊

立玉亭是萬峯環匝處  
亭已廢而旁結一菴有僧居  
之人跡罕至

峯峯都削玉結屋一椽孤  
僧冷雲爲抱人行樹與扶  
千虹足下度羣鸞掌中趨  
山鬼當趺坐神昏賴爾呼

斲崖塔院是斲崖和尚化處  
門有杉

長數丈大六圍四枝相撐若承露仙  
掌然中可坐五六人余以覽勝急不  
及候茗老僧送余百武別去

宿德今何在禪風若為招樹頭堪布席石  
面可團焦翠雉啼紅雨玄羆舞黑飈老僧  
相送出忽過虎溪橋

下朱陀諸嶺得無垢禪寺午飯二首

烟裝惟一兩霞屐度千岑帘影知官市鐘

聲得法林解鞍祇樹下放箸寶花陰困頓  
思杯酌無嫌對佛斟

其二

山深龍象古寺僻比丘貧解渴曾無茗克  
饑或有尊密蘿縈作堵忍草積如茵泉石  
驅吾逞風塵未損神

將入徑山宿福勝寺二首

行車當暮息心馬及時調柏子香堪炷蓮

詩家都種之卷之三  
花漏不銷山雲和衲卷野藿與僧挑魚磬  
中宵動披衣過法寮

其二

爲饒勝賞癖寧憚路涂勞卧具資山葉盤  
飧取澗毛新筠寒削玉襍木夜生濤未曉  
經聲出隣鷄個個號

過寂照菴有感是遠觀和尚葬處

宗風揚自爾姓氏在祇林瘞骨千巖下機

鋒一片深嶺雲窺妙相隴木助哀音棒喝  
如猶在門徒不可尋

八月十五虎丘看月此夜游人襍沓  
予亦隨俗爲之殊不厭也得詩四首  
衆誼非所習隨俗且嬉游暗逐笙歌後微  
行殿閣頭人齊傾玉椀予亦倒金甌惆悵  
生公石誰因問法留

其二

詩家補和卷之三  
繁華非勝賞，襍沓亦奇觀。曲奏金飈剪，衣  
單玉露溥。因山施步障，畫石置瑯盤。暈月  
霞如綺，千人仰面看。

其三

駢闐如有約，襍坐不相知。魚服應難辨，蛾  
眉好自持。聽歌齊叫嘯，把酒各淋漓。人樂  
元吾樂，憑高薦一卮。

其四

盤餐排翠嶂，裘服走丹梯。匝樹鳥羣噪，屯  
雲馬亂嘶。人行挾錦瑟，客醉唱銅鞮。月黑  
不知返，旋聞報曉鷄。

壽王孝廉五十

喜當及艾日，尚似始孩時。有易已能學，無  
非可用知。驕驕逢伯樂，山水得鍾期。上苑  
新栽杏，遲君問紫芝。

過友人山居二首

詩家雜錄卷之十三  
下地深栽竹因山小結茆閒來吾自喜嬾  
任客相嘲汲水分魚藻移松帶鶴巢不須  
愁夜瞑玉魄在梅梢

其二

應門長有鹿集几絕無蠅敗瓦多生草頽  
墻久伏藤乞花過里叟分竹與鄰僧茶椀  
深相愜啣杯吾不勝

過野寺二首

丹楓疑寶樹黃稻是金田榻傍當門石厨  
分過嶺泉裁雲將補衲拾橡取克筵小憩  
殊倉卒諸天月又懸

其二

香積臨瓜圃山門架豆棚蒸雲迷蠟屐崩  
石碍金繩佛子不知佛僧雛未是僧貝多  
面亦有誰與說三乘

同沈壁甫林若撫諸君徒步郊垆入

山寺二首

青山帶原隰芒屨曲穿蘿宿霧屯絲柳香  
風泛玉禾路迂頻坐石橋敗怯臨河近寺  
人皈佛家家誦貝多

其二

偶爾下蒲團青林納履寬古塘鵝鴨亂廢  
井轆轤寒雨芟全收綠霜楓半委丹宰官  
人狎習不作故侯看

信屨入山憩一道旁蘭若居旣荒落  
僧亦貧甚與之語往往嗟貧感而成  
句

咫尺招提境蕭然平楚中草深多宿露樹  
老不生風破甍巢羣鼠飛幡剝畫虹一僧  
衣百結對客但嗟窮

夜坐聞砧

空堂寒似水淝几坐蕭森月魄銷銅漏霜



詩象補遺卷之十三  
威入玉砧莫將驚短夢留與助微吟我有  
閨中婦冰刀夜夜深

城市鹿鹿有懷村居四首

城居雖已習僻性愛蒿萊井葉依床舞籬  
花上屋開催租豪吏少乞食野僧來場圃  
多餘隙跣趺對綠苔

其二

別業去不遠蒼茫雲樹長犢蹄牽膩雨鴉

背逗殘陽東舍酒開甕前溪稻滿航洛城  
逐冠蓋妬殺野人裝

其三

混俗非關市逃羣好在村廣場寒聚雀廢  
棧夜栖豚桑柘深藏屋陂池近傍門山城  
一以隔農務與誰論

其四

有田何所羨足食別無貪國課野人習天

工農父諳鳴梭屬小婦乘耒仗中男此景  
深相憶還須命短驂

秋夜飲友人宅二首

攜手金蘭侶秋堂坐玉繩無言不謔浪有  
酒盡清澗迅矢星過席初弦月避燈敢虛  
投轄意痛飲日將昇

其二

小集元非約深情自不窮藕條舒臂白榴

實剖心紅款客當花月醒人對酒風厭厭  
過子夜涼露灑梧桐

老僧叅普陀索詩贈之

報齡今踰耄夏臘亦多年瓦鉢三時托條  
衣百結懸有髭長不剃無夢已忘眠南海  
滄波濶浮杯去眇然

吾父八十二而亡雖屬遐齡而子情  
無已哀痛之極不能自解杖淚爲詞

得詩四首焚之靈几兼示兒輩

父死不可復兒生何所爲雖然肯堂構終  
是隔容儀惻惻猿腸斷奄奄鷄骨支舉家  
相慰解涕泣自淋漓

其二

已痛音塵別空云齒髮尊禮難以死殉心  
媿獨生存眼暗雙枯血身危九斷竟百年  
不相借天遠扣無門

其三

父亡兒旣老母死子方孩總是生人恨兼  
爲此日哀斑爛情未已薤露又相催五鼎  
佳城上何如負米回

其四

青緇十世業紫詰兩朝臣忽棄人間事  
還歸地下身有生誰避死無子不依親玉  
樹庭前列相看倍慘神

示僧

除是迦維國人間事事說青山  
勞月旦白社起風波五指能調象  
孤燈可照魔心王如不滅何處有  
脩羅

行射鴨陂諸處二首

鳥去拖雲返花開待午齊竹從僧乞  
種石怕客留題細帙如小西軒車似  
大堤雖然無險絕也自費攀躋

其二

芙蓉千萬片都隔女墻窺祝樹先營社  
祈蠶亦有祠黃冠鹿易認白鬣鶴相知  
信屐攀幽磴閒雲故故隨

雨後入山園四首

領雲山鄭重着雨樹頽唐急徙啣沙几  
輕移蝕蘚床防魚為設埭稊菓各分疆  
恠底攜尊客來窺薜荔房

其二

旬日不窺園空堦上蘚痕乍來鹿盡喜久  
別鳥多言松柏方懷子篔簹亦長孫雨毛  
猶細細取醉且開尊

其三

青山新著譜淥水舊填歌石面勻脂粉波  
心皺綺羅請醫來療鶴呼僕去籠鵝稍喜  
雲容薄還嫌雨意多

其四

瘦石多題字繁花不辨名佛香給侍從社  
酒勞園丁草綬風輕扇苔錢雨細生經旬  
心賞歇看屐徧游行

贈省心上人叅方

動寂原無二叅方亦息機心如灰欲死身  
似鳥能飛水宿魚龍惡山行徒侶稀紛紛  
百補衲舊是五條衣

讀禮齋居辱包彥平范東生二兄見  
訪夜集酒間賦贈

寢苦扃戶牖排藿到巖阿舊好嗟垂盡新  
知喜竝過詩情包倍美才具范雲多春漏  
寒如許厭厭狎叵羅

山園月夜四首

月光不讓日春夜却疑秋茶冷頻炊灶杯  
乾更促籌瑯欄桃面麗繡埒柳腰柔十二  
簾如水呼童急上鈎

其二

有僕尋僧去人來自啓扉兼風鐘韻疾帶  
月燭光微歸鹿啣芝卧驚禽觸火飛暗香  
吹不斷陣陣入輕衣

其三

林洗千條玉池開一鏡天襯花爲褥坐掃  
石代床眠人影癯如鶴琴聲冷似蟬耳根

詩象菴種卷之十三  
其四  
深夜淨遠近聽流泉

其四

鴉羣歸柳淑兔影印莓苔  
城客遠先去隣僧近始來  
添衣臨洞壑挾瑟上樓臺  
明月催詩急無須刻燭裁

飲桃花樹下

亦是武陵隱非因秦世逃  
刺雲峯頂矗鑄石樹根牢  
紅雨當杯墮青天舉扇高  
傳籌

供數客小史亦云勞

山園早起二首

不是厭踈頑尋幽未肯閒  
殘肴猶置案宿酒尚徵顏  
張幕因驅鳥開扉忽見山  
攜琴何處客早已扣柴關

其二

青嶂半籠霧白榆猶在天  
科頭聽啼鳥盥面汲流泉  
夜簟和花捲朝餐佐筍鮮  
沙彌

詞家補種卷之十三  
解人事問寢到齋前

午飯後獨自行園偶成二首

什一謀生短烟霞抱疾深竹抽篁似玉花  
散蓋如金睡鶴偏臨水饑鳥不住林層阿  
堪避跡客至杳難尋

其二

風引空中毳雲生水上升語花顏帶笑睡  
蝶夢難醒嶂擁如圍堞泉奔似建瓴款門  
多酒客有戶不能扃

留錢虞伯夜宿二首

結屋乘丹嶂留人宿翠微徙燈容月入掃  
榻待雲歸小立便投轄方迎已倒衣傳籌  
與揮塵取次疾如飛

其二

畏人不敢出門護紫泥九芝宇經時見藜  
床特地安麝臍烟似縷雀舌月爲團北海



清樽在何妨倒着冠

春郊四首

惠風吹白帽容齋踏春郊避獵狐穿穴驚  
絃鳥墮巢水衣生石足柳縷挂梅梢蠟屐  
吾猶健踈狂任客嘲

其二

攜將藤作杖那惜錦爲苔蝶使縱橫過鶯  
朋四五來野花橋面覆老檜寺心栽草際  
逢僧話淹留未擬回

其三

自在艷陽天青藜挂酒錢涉溪看鹿飲倚  
樹與鶯遷花面何郎粉楊肢張緒年桑榆  
吾輩短撫景倍堪憐

其四

青葱看不極披霧半模糊廢井花相弔危  
枝鳥爲扶近山門甃石傍水戶侵蕪雙樹

堪跌坐無心問酒壚

步山市

巖阿有闌闌日晏不曾虛鬻筍將藤束擔  
魚用水儲隔花誼畫艇穿竹駐柴車山葉  
牽行屐人家各掃除

芟樹

老樹如人長呼童斬惡枝未須嫌擁腫只  
自恠支離綠蔭猶堪借青山不得窺倘然

值中散坐鍛亦相宜

西郊二首

西隰春正午香颺引杖藜蜂房窺剩蜜燕  
壘拾殘泥環坐循蘭畹羣行避豆畦前蹊  
有豎子解唱白銅鞮

其二

舒紅將布襜合翠積成圍處處桑庚呌行  
行屬玉飛青梅拈禦渴綠筍掘當饑舉足

詞家龍種卷之十三  
生微汗輕沾薜荔衣

端午日雨中集客二首

采絲續命縷丹篆辟兵符庭戶深懸艾親  
朋滿汎蒲雨花踈自點風篠亂相呼神鼓  
紛紛動龍舟弔左徒

其二

茲辰雨不絕東作兆秋成成後看皆喜罇  
壘予自傾浴蘭今古俗時情回想

趨朝日宮衣賜有名

炎夏同沈璧甫周承明諸兄集山園

露臺二首

河朔清尊在相將把巨螯詩腸兼善酒文  
士也能豪臺迥蒼山侍林深赤日逃不須  
愁毒熱翻自畏蕭騷

其二

結屋傍危岑高寒暑不侵雲生無赤甲風

詩家春和卷之三  
至有清音對竹都忘俗觀蓮可喻心舉頭  
霄漢近把酒問橫參

城西濠泛月二首

格格渚禽啼鳴榔出浦西杯浮天上兔盤  
蝕水中蜺樹影繁於樹溪流別作溪接籬  
拚倒著不怕玉繩低

其二

月貌娟娟淨依然傍素娥驚鷗如避木觸

浪似流梭密坐傳杯誤新聲度曲訛拍浮  
殊未已自笑影婆娑

夏日攜盛與功沈璧甫諸君避暑愚  
公谷適有法院二僧至坐語移時二  
首

別業諸天上青藜翠靄中荷莖高似柳桂  
影重於桐庭灑清塵雨林生快意風煩襟  
對誰盡慧遠與支公

其二

頭科防刺樾足跣怯行苔躍鯉如人樂鳴  
蟬底事哀攜琴無客至問法有僧來北海  
罇罍在還因避暑開

仲熙劉君從海上過訪劉才高不偶  
以詩慰之

何物一青衿嚶嚶辨古今長貧猶有骨任  
俠豈無心頭上巾黃葛懷中管綠沈未須  
傷別足應不少知音

七夕同劉仲熙沈璧甫林若撫諸兄  
泛舟芙蓉湖候月六首

冰盤盛月鬼銀漢寫天文按譜鍼歌誤將  
茶療酒醺田翁蒲葉扇津婦藕花裙自在  
踈楊下看予弄水雲

其二

月貌那能似雲容不可描蛙聲樂數部柳

詩象春種卷之三  
三  
縷浪千條綠坂疑牛渚朱欄是鵲橋清商  
未旬日蘆荻已蕭蕭

其三

凌風犯斗躔歷歷白榆邊烏觸飛訛尾魚  
窺起噴涎星低排絳燭月薄暈青烟直取  
支機石將來壓酒船

其四

屋抱青山立城攜綠樹行水霞香襯褥浪

葦細敲箏珠斗檣間挂銀河席上橫酒人  
今夜集興劇且吞鯨

其五

靈曜逢津畔吾儕也渡河坐圍雲母障杯  
進雪兒歌似矢星將溺如弦月欲波酒闌  
齊擊楫照影共婆娑

其六

挂席青楓渚藏舟白荻隈鵝羣徐躍去鷗

調象菴稿卷之十三  
片薄浮來水練天襄織雲漿帝女醅觥籌  
方未已漏箭莫須催

秋夕要崔自明朱爾兼丁建白范東  
生劉仲熙沈璧甫林若撫諸君於一  
指堂劇飲分得十二文

此夕應星文蘭膏競吐氛羣吞疑吸海長  
嘯各排雲糾席申三令傳籌重六軍酒泉  
幾許地汝等欲平分

秋日沈璧甫兄客予榆枋館有詠懷  
詩四首依韻賦答

清商正搖落大火已無何短幘裁輕氎單  
衫綻薄羅風歌欲斷鴈霜擣半殘莎知爾  
悲秋意偏如宋玉多

其二

九龍栖隱地此日兩羈人予學東陵卧君  
甘北郭貧詩壇原舊約酒社亦前因漸覺

詩象菴稿卷之十三  
形骸略還看意氣真

其三

主賓何所事相向但論詩  
蟻椀浮糟室鵝羣散墨池  
論因樂志就書豈絕交  
移塵尾揮殘後呼童舞柸枝

其四

鎖鑰多防竹儲胥半借山  
惜苔葉不掃摘果樹頻攀  
綠芰幽人服紅蕉少婦顏  
朋儕

問字至與汝候柴關

絲毘陵至京口六首

秋浦碧粼粼香颺泛白蘋  
驚魚飛上岸老鶴立看人  
初着寒衣熱重游舊路  
新灘高將百尺汲水亦勞辛

其二

屈指計行期看山每怕遲  
請僧爲旅伴鬻產作游資  
雁字帆間寫魚糧渡口炊  
別家



不數日黃菊已葳蕤

其三

日日遠游冠雲山倚棹看溪行如馬疾水  
宿伴鷗安蘋老汀香遠楓凋樹錦單烟霞  
吾意適朝夕倍加餐

其四

爲怕來朝雨頻占落日雲紀游不削草書  
夢遂成文塵淨山如沐霞蒸樹欲焚舉頭

無俗狀一水剪秋裙

其五

八月江湖惡村扉蝕水平喔咿鷄數戶格  
磔鳥三聲土廟無神坐沙田見蟹行舟居  
專吐納午飯亦青精

其六

風枝如戟折霜實比珠圓頽岸無階級荒  
村少蓋椽乘潮魚上堰啄粒鳥爭田百里

詞彙卷之十三  
沙汀路長綃滿幅懸

於潤州至龍潭鎮四首

擔雲橐一肩原隰好盤旋  
野燒來衣上風帆豎馬前  
槐踈身子立禾熟意耽眠  
美殺江行客蘋花載滿船

指沈林二兄

其二

車馬苦噉沓閒游亦是忙  
聊供耳目玩長把姓名藏  
霜葉千林赤香稭一片黃  
旅情曾不惡買醉亦何妨

其三

欲圖探翠嶠翻自逐紅塵  
有酒官橋薄無魚旅店貧  
土柔膠蠟屐霜重打烏巾  
望望長干路三山遠遲人

其四

輕車命徒侶微服走嶮岈  
衣霧更相拭冠塵各自彈  
人誰能相骨予亦竟忘官  
但結

言家春和卷之十三  
名山約寧辭行路難

沈璧甫徵志詩以訊之

伏枕偶然事維摩一榻寬風裁書草斷霜  
擣筆花乾五石休須服雙眉莫便攢坐無  
車武子令我不能懽

贈新安二府郭砥柱

喬卿功業在於爾未全孤人是侯王裔官  
當天子都下車先拔薤聽政只懸蒲范袴

已如此虔刀倘不無

聽黃山人鳴泉彈琴并爲壽

已絕廣陵散誰傳大始音因君鼓山水今  
我得高深月夕青鸞舞霜天白鶴吟應同  
稷丘子採藥最幽岑

壽汪漢陽山人八十

不作烏聊長來爲鶴市人身同梅福隱居  
與竺公隣阿堵何須問寧馨好自珍橫塘

非渭水白髮且投緡

